



নেপালে বন্যার ৯ দিন পর টানেল থেকে জীবিত উদ্ধার দুজন



ছবি: সংগৃহীত

নেপালে ভয়াবহ আকস্মিক বন্যার নয় দিন পর একটি জলবিদ্যুৎ প্রকল্পের টানেলে আটকে থাকা দুই ব্যক্তিকে জীবিত উদ্ধার করা হয়েছে। শুক্রবার ত্রিশূলি-৩এ হাইড্রোপাওয়ার প্রকল্পের টানেল থেকে তাদের বের করে আনেন উদ্ধারকারীরা।

দ্য কাঠমান্ডু পোস্টের প্রতিবেদনে বলা হয়েছে, উদ্ধার হওয়া দুই ব্যক্তি হলেন প্রকল্পটির মেকানিক্যাল ফোরম্যান সঞ্জয় সাহ এবং মেকানিক্যাল সুপারভাইজার কবির মহার্জন। উদ্ধার অভিযানে অংশ নেওয়া প্রকৌশলী ও রাষ্ট্রীয় স্বতন্ত্র পার্টির আইনপ্রণেতা শ্রীরাম নেউপানে বিষয়টি নিশ্চিত করেছেন।

শুক্রবার উদ্ধার অভিযানে প্রথমে টানেল থেকে বের করে আনা হয় সঞ্জয় সাহকে। এরপর উদ্ধার করা হয় কবির মহার্জনকে। তবে টানেলের ভেতরে আরও কেউ আটকা পড়ে থাকতে পারেন বলে ধারণা করা হচ্ছে। এ কারণে সেখানে উদ্ধার অভিযান এখনও চলছে।

এর আগে টানেলের ভেতর থেকে মানুষের কণ্ঠস্বর শুনতে পান উদ্ধারকারীরা। পরে ভেতরে অবস্থানকারীদের সঙ্গে যোগাযোগ স্থাপন করা সম্ভব হয়। উদ্ধারকারীরা নিজেদের পরিচয় দিয়ে জানান যে, তাদের উদ্ধারের জন্য অভিযান চালানো হচ্ছে। টানেলের ভেতর থেকেও সাড়া পাওয়া যায়।

এরপর নেপালি সেনাবাহিনী ও সশস্ত্র পুলিশ বাহিনীর সদস্যরা উদ্ধার কার্যক্রম আরও জোরদার করেন। টানেলে আটকে পড়া অন্যদের সন্ধানও অভিযান অব্যাহত রয়েছে।

গত ২৬ আগস্ট মধ্য নেপালের ত্রিশূলি নদী উপত্যকায় আকস্মিক বন্যায় ব্যাপক প্রাণহানি ও ক্ষয়ক্ষতি হয়। এই দুর্ঘটনায় এখন পর্যন্ত ১ হাজার ২৫২ জনের মৃত্যুর খবর পাওয়া গেছে। বন্যায় ক্ষতিগ্রস্ত হয়েছে জলবিদ্যুৎ প্রকল্পসহ গুরুত্বপূর্ণ সড়ক যোগাযোগব্যবস্থা।

দুর্ঘটনের পর থেকে টানেল ও বিভিন্ন স্থাপনায় আটকে পড়া মানুষদের খুঁজে বের করতে উদ্ধারকারী দল অভিযান চালিয়ে যাচ্ছে।

সূত্র: দ্য কাঠমান্ডু পোস্ট